

MERC'HED LOKENOLE

Var eun ton anavezet

Merc'hedjou Lokenole, a so merc'hed a stad (*bis*)
Ne brisont ket a zansal, nemet gant potret vad (*bis*)

Merc'hedjou Lokenole, ha ia d'ar baluden,
Diac'hen, divouchouer, kœf ebet var o fen.

Merc'hedjou Lokenole, o devez prometet,
Monet en pelerinach, da Sant Ian beniget.

Dre c'hras an Aotrou Doue, d'an Sant Ian n'int ket eat
Rag ebars e Plougasnou, es int bet disquennet.

Ar Person e lavare, d'ar zul en ofern-bred,
Diwalit mer'chet yaouanc gant aon vefec'h tromplet

Diwalit merc'het yaouanc gant aon vefec'h tromplet
Dre ar c'habiten Lablond ag e vartolodet.

A merc'hed a respontas deus a draon an ilis,
Presegit Aotrou Person, n'imp a reio hor gis.

He voa quiet peur lavaret, na mad ar gousperou,
Ne voa ar merc'het yaouanc, er gear a Plougasnou.

Bars e ty Mari Beron, e zint bet disquennet,
Ho ia dre ma voa gant-he ialc'hou martolodet.

Ar merc'hedjou a drinke ag a lipe o beg,
Hag ar voarset r gane, a gane en gallec.

Hag e voarset a gane, a gane en gallec
Hag ar merc'het a c'hoarse dre ma intentent quiet.

Nemet eun dortes vihan, deus ar bourg Carantec,
Hounes voa bet ar gouant, ho tiski ar gallec.

Hounes voa bet ar gouant, ho tiski ar gallec,
Hag e bede mil mallos var ar vartolodet.

Ar voarset e lavare, seder o daou lagad,
Da ver'ched Lokenole, arog dont d'ho c'huitat.

Ma vefen nimp intaonien, graç demp ne vefomp quiet
Nimp zeuio c'hoas eur veach d'ho kuelec.

Hag a zigasso deoc'hui, neuse eur chapeled,
Ha goalennou arc'hant d'ho camaradeset.

Merc'hedjou Lokenole, n'eur vœla lavare,
Da Lablond ar c'habiten n'imp or bo qeus dide.

Kenavo dide Lablont, o ia pa m'hout ho vont,
Me garje a greis kalon, e vijes c'hoas ho tont.

Merc'hedjou Lokenole, a woele var ar c'hæ,
Da Lablond ar c'habiten, allas ! partiet e.

Lablond azo partiet, gant e vartolodet,
A merc'hed Lokenole, ha huanad bepred.

Lablond a zo partiet, ag eat er mes ar vro,
A merc'hed Lokenole, a c'hortos e zistro.

Me gred da Lokenole, ne zistroio biquen,
Ker ho devez ar merc'hed, kavet poan ag anquen.

Ker ho devez ar merc'hed, gœla dezhan dourek,
Ne zeuio quiet da gana, dezhe zomou gallec.

Rag-se-ta merc'hed yaouanc a galon me ho ped,
Ankounac'hait Lablond, ag e vartolodet.

Ankounac'hait Lablond, ag e vartolodet,
A besit ive furoc'h en amzer da zonet.

A besit ive furoc'h en amzer da zonet,
Evit ma zoc'h bet merc'het en amzer dremenet.

Dastumet gant VISANT COAT.

